



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

2 JANUARI 2022 (AHAD)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

2 JANUARI 2022 (AHAD)

Syarat pelik beli minyak masak peket

Oleh ZA'AIN ZIN
zain.21@gmail.com/0122111111

TUMPAN: Wajib beli sekilogram gula, baru boleh beli sepeket minyak masak.

Itu syarat 'pelik' dikenakan peniaga jika pelanggan mahu membeli minyak masak brand-siti. Amalan tersebut didakwa berleluasa di daerah ini sejak setahun lalu dan turut dilaporkan di Pagar, Man, Rantau Panjang dan Tanah Merah.

Disebabkan syarat tidak masuk akal itu, orang ramai mula mengeluh kerana harus di-



UTUSAN Malaysia
1 Januari 2022.

Letak syarat boleh kena tindakan

PETALING JAYA: Peniaga atau pengilang boleh diambil tindakan jika didapati bersalah meletakkan syarat 'pelik' dalam sebarang pembelian minyak masak peket seperti yang dilaporkan berlaku di Kelantan.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, pihaknya tidak pernah mengeluarkan arahan sebegini, malah syarat ditetapkan pengilang dalam membekalkan minyak masak peket kepada peniaga tidak sepatutnya berlaku.

"Kita akan siasat. Kementerian tak pernah buat syarat begitu, syarat kami hanya

pembelian peket minyak masak tidak boleh lebih daripada tiga peket dalam satu masa, itu yang kita nasihatkan.

"Kita ada undang-undang untuk ambil tindakan," katanya ketika dihubungi *Mingguan Malaysia*, semalam.

Semalam, *Utusan Malaysia* melaporkan, wujud syarat pelik dengan mewajibkan pembelian sekilogram gula sebelum dibenarkan membeli sepeket minyak masak yang didakwa berleluasa di Kelantan.

Syarat tersebut dikatakan ditetapkan pengilang sebelum membekalkan minyak masak peket kepada pemborong dan peruncit.

Bekalan makanan musim tengkujuh mencukupi

Kuala Lumpur: Bekalan makanan dan harga barangan keperluan harian seluruh negara masih terkawal serta dijamin mencukupi terutama ketika musim banjir dan menjelang sambutan Tahun Baharu Cina.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid, berkata setakat ini Kementerian Perdagangan Dalam Negeri dan Hal Ehwal Pengguna (KPDNHEP) tidak menerima aduan mengenai kenaikan harga barang atau bekalan tidak mencukupi.

"Bagaimanapun kerajaan akan terus komited membuat pemantauan seiring perlanjutan tempoh pelaksanaan Skim Harga Maksimum Keluarga Malaysia (SHMKM) yang bermula hari ini (semalam) hingga 4 Februari depan.

"Bagaimanapun, tindakan pemantauan akan terus dilakukan membabitkan 2,000 pegawai penguat kuasa Kementerian yang melakukan pemeriksaan di lapangan setiap hari di lokasi dan premis tumpuan ramai termasuk pasar awam, pasar tani, pasar raya serta peniaga pada peringkat rantaian pemborong dan peladang," katanya ketika dihubungi BH, semalam.

Rosol berkata, beliau turut meluangkan masa menyertai pasukan penguat kuasa KPDNHEP melakukan pemeriksaan pematuhan pelaksanaan skim ini di pasar raya TF Supermarket, Temerloh bagi memantau pemantauan harga keperluan barangan harian.

"Beberapa barangan disenaraikan sebagai barang harga terkawal seperti ayam segar di bawah SHMKM fasa dua ini menunjukkan penurunan dan paras harga lebih stabil di Semenanjung berbanding harga maksimum ditetapkan dalam SHMKM fasa pertama yang berlangsung 7 Disember hingga semalam (kelmarin)," katanya.

Beliau berkata, pelaksanaan skim terbabit adalah komitmen kementerian menyokong inisiatif kerajaan membantu meringan kos belanja rakyat terhadap keperluan asas dalam waktu pasaran harga yang menunjukkan pergerakan tidak stabil atas pelbagai faktor.

"Lanjutan tempoh penguatkuasaan SHMKM hingga 4 Februari depan bertepatan dengan situasi semasa iaitu bencana banjir yang melanda beberapa negeri dan membolehkan rakyat menikmati harga runcit barangan asas pada harga stabil dan tidak menekan," katanya.

'Turunkan lagi harga ayam, sayur'

Peniaga dakwa terpaksa jual bawah harga maksimum SHMKM demi jaga pelanggan

Oleh Ahmad Suhael Adnan
ahmad.suhael@bh.com.my

Kuala Lumpur: Kebanyakan barang basah seperti ayam segar, telur dan beberapa jenis sayuran menyaksikan penurunan harga, selepas kerajaan memperluas jumlah barangan menerusi Skim Harga Maksimum Keluaran Malaysia (SHMKM), bermula semalam.

Tinjauan *BH* di pasar borong dan pasar raya sekitar Setia Alam dan Klang mendapati barangan keperluan harian dijual mengikut harga ditetapkan.

Selain itu, bekalan beberapa jenis ikan seperti kembong, selar, mabong, senangin, selayang dan siakap belum terjejas, meskipun kawasan perairan negara khususnya di Pantai Timur dilanda tengkujuh.

Bagaimanapun, beberapa pengguna yang ditemui menyifatkan penurunan harga barangan di bawah SHMKM khususnya ayam segar, masih terlalu kecil dan mengharapkan penurunan lebih ketara pada masa terdekat.

Peniaga ayam di Pasar Muhi-

bbah di Setia Alam, Iman Azami, 24, berkata harga ayam segar di jualnya ketika ini RM9 sekilogram iaitu di bawah harga maksimum SHMKM iaitu RM9.10 sekilogram.

Katanya, beliau mengekalkan harga itu walaupun harga ayam naik ketara baru-baru ini bagi mengekalkan pelanggan, namun terpaksa mengorbankan kadar keuntungan pada jumlah agak ketara.

"Sekarang saya beli ayam daripada pemborong RM8.10 hingga RM8.30 sekilogram, namun saya kekalkan harga jualan RM9 sekilogram, dengan untung antara 70 hingga 90 sen.

"Harga daripada pemborong pernah melambung naik sehingga untung hanya 40 sen. Saya terpaksa kekalkan harga kerana jumlah pelanggan masih sedikit, tidak seperti sebelum Perintah Kawalan Pergerakan (PKP) tahun lalu," katanya, semalam.

Peniaga ikan di pasar sama, Fikry Zahin Zulkipli, 30, mengakui semakin sukar mendapatkan bekalan segar terus dari jeti seperti siakap, kembong dan selayang akibat tengkujuh di Pantai Timur.

Namun, dia masih dapat mengekalkan harga jualan buat masa ini kerana tidak menggunakan orang tengah, sebaliknya diperoleh secara terus dari Jeti Chendering, Terengganu.

"Sekarang memang bot sukar ke laut. Jika dulu boleh turun enam kali seminggu, sekarang hanya dua hingga tiga kali seminggu dengan hasil sekitar dua hingga tiga tan ikan sekali turun.



Iman menjual ayam di bawah harga maksimum kepada pelanggannya di Pasar Muhibbah, Setia Alam, semalam. (Foto Ahmad Suhael Adnan/BH)

"Buat masa ini, saya masih kekalkan harga jualan bagi ikan kembong dan selar (RM11 hingga 12 sekilogram) serta delah dan tongkol (RM18 ke RM22).

"Ada sedikit kenaikan harga bagi peniaga yang menggunakan orang tengah. Untuk yang mahu kekalkan harga, mereka perlu beralih menjual ikan sejuk beku termasuk di pasar borong kerana bekalan terhad," katanya yang menjangkakan kenaikan harga ikan akan berterusan menjelang Tahun Baharu Cina jika musim tengkujuh berpanjangan.

Sementara itu, tinjauan *BH* di sebuah pasar raya di Klang, mendapati harga telur dijual mengikut harga ditetapkan SHMKM iaitu antara RM3.90 hingga RM4.30 bagi 10 biji telur mengikut gred.

Beberapa pengguna ditemui menghargai harga maksimum itu, namun berharap kadar penurunan lebih besar bagi barangan mentah utama seperti ayam.

Guru sekolah antarabangsa, Suchi Mukunan, 30, berkata harga ayam segar di pasar itu turun kepada RM8.79 sekilogram, namun ia terlalu sedikit berbanding harga terdahulu.

"Dulu saya pernah beli ayam sekitar RM7.70 sekilogram, jadi penurunan tidak begitu terasa dan perlu diturunkan lagi, apatah lagi ramai orang tengah susah akibat banjir ketika ini.

"Namun, harga ikan tidak terjejas walaupun musim tengkujuh. Saya beli siakap hari ini (semalam) pada harga RM7 sekilogram, sama seperti sebelum ini," katanya.

Pekerja kilang, Misnan Ridwan, 53, berharap kerajaan mengawal harga jualan barang mentah seperti ayam dan sayur pada peringkat pemborong, berbanding memberi fokus peringkat jualan kepada pengguna.

"Harga ayam hari ini (semalam) turun beberapa sen saja, tidak terasa sangat berbanding sekitar RM6 hingga RM7 sekilogram sebelum ini. Ada beberapa jenis sayur juga yang naik harga.

"Kerajaan perlu kawal harga bermula daripada punca seperti harga makanan ayam dan harga jualan oleh pemborong kepada peniaga, bukan pada peringkat pembeli. Barulah harga turun ketara," katanya.


PriceCatcher


LIST OF PRICES FOR ESSENTIAL ITEMS IN MALAYSIA (UP TO DEC 29)

ESSENTIAL ITEMS	PENINSULA (RM)		SARAWAK (RM)		SABAH (RM)	
	Lowest	Highest	Lowest	Highest	Lowest	Highest
1. STANDARD CHICKEN (PER KG)	7.29	9.80	8.50	9.30	10.30	11.00
2. LOCAL BEEF (PER KG)	28.00	47.90	58.00	58.00	25.00	30.00
3. IMPORTED BUFFALO MEAT (PER KG)	15.90	26.00	17.90	25.49	17.80	23.00
4. MACKEREL (IKAN KEMBUNG) (PER KG)	7.99	26.00	8.90	22.90	7.00	17.00
5. GRADE B EGGS (30 PCS)	10.80	12.60	11.79	13.00	13.80	14.50
6. KULAI RED CHILLI (PER KG)	9.70	17.00	N/A	N/A	12.00	18.00
7. SAWI (PER KG)	1.99	7.00	4.99	7.00	3.55	6.50
8. TOMATO (PER KG)	2.89	5.50	5.99	8.00	4.99	7.19
9. IMPORTED ONIONS (INDIA) (PER KG)	1.99	8.50	2.99	8.00	2.99	10.00
10. IMPORTED SHALLOTS (INDIA) (PER KG)	1.99	9.80	7.90	30.00	6.99	16.99



PriceCatcher



App Store

The list of prices serves as a reference. Please check list of prices for more items in your location on the PriceCatcher app. For inquiries, email pricecatchermy@kpdnhep.gov.my

You can also contact the Domestic Trade and Consumer Affairs Ministry's (KPDNHEP) call centre at 1-800-886-800 and email e-aduan@kpdnhep.gov.my for consumer complaints.